



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

Handwritten text

Handwritten text

Handwritten text

891.99

Li-58

*Handwritten signature*

2135

ՀԱՐՈՒԹՅԱՆ ԵՍՍ.ԲԵՍ.Ն

*Handwritten signature*

# ՄԻԵԻՆՈՅՆ

## ԴԱԳԱՂՈՒՄ...

(Պատկեր)



891.99  
b-58

ԹԻՖԼԻՍ

Էլեկտրաշարժ ապարան «ՀԵՐԱՆԵՍ» ԸՆԿԵՐՈՒԹՅԱՆ  
1905 (123)

ՎՖՅ. Կ. Դ. Ասաֆբեյլիսյան  
NOV 9 2011

ՅԱՐՈՒԹՅԱՆ ԻՍՏՅՆԱՆ

89699  
6-58 պ


13 Եփր 1905

ՄԻՆԻՆՈՅՆ



ԴԱԳԱՂՈՒՄ...

1001  
806



(Պատկեր)



ԹԻՖԼԻՍ

Էլեկտրաչափ տպարան «ՀԵՐԱՒԷՍ» ընկերության  
1905 (123)

08.04.2015

28622

18 NOV 2011

САНКТ-ПЕТЕРБУРГ

САНКТ-ПЕТЕРБУРГ

САНКТ-ПЕТЕРБУРГ

Дозволено цензурою, 2) Июля 1905 года. г. Петербургь.

# ՄԻԵՒՆՈՅՆ ԴԱԳԱՂՈՒՄ...



Ս, մպամամ մռայլ օր էր կանգնամ լրեալ Բ... քաղաքի վրայ, որը դեռ ուշքի չէր եկել և սգում էր լուռ ու մունջ: Միքանի օր առաջ թափված անմեղ մարդկանց յորդահոս արեան հետքը չէր ոչնչացել երկրի վրայից. ամեն ինչ անխտիր կլանող հսկայ ծովը հրէշային իրականութիւ-

նից յուզված շարունակում էր փոթորկվել. ալիքները լեզու առած՝ մրմնջում էին — եղբայրասպանութիւն...

Եղանակը բաւական ցուրտ էր: Քաղաքում կենդանութեան նշոյլ չէր նրկատվում. կարծես նրա բնակիչները իսպառ ջնջվել էին շէյքաւնի սարքած մահաբեր դաւաղըութիւնից:

Հեռվում երևում էին ահաբեկված Բալախանին ու Սև քաղաքը, որոնք, կարծես, աւելի էին սևացել. բայց ոչ թէ սովորական ծխից ու մազութից, այլ ստորաքարը սատանայի սև սրից սարսափած... Այլևս չէ լսվում ամենի մեքենաների խլացուցիչ գոռոցն ու աղ մուկը. անդորըութիւն և խորհրդաւոր լուութիւն է տիրում ..

Սակայն Բ. քաղաքի գերեզմանոցում աւելի մեծ շարժում կայ. այնտեղ մի կողմում կուտակված են նահատակնե-

րի դիակները, որոնք այլանդակված և կարծես վայրենի զազաններից յօշոտված, այստեղ-այնտեղ թափթափված են իրար վրայ ինչպէս ապրանքի կոյտեր... Նրանց մէջ կան զառամեալ ծերունիներ, նորափթիթ կոյս ազջիկներ, դեռահաս, առոյգ երիտասարդներ, շարքաշ մայրեր, սրախողխող մանկիկներ, որոնց անմեղ, մեռելային դէմքերը դէպի երկինք դարձած՝ նախատում էին նախախնամութեան անտարբերութիւնը...

Հէքիաթական աշխարհի մի կենդանի պատկեր էր այդ տեսարանը:

Որդեկորոյս մայրն իր մինուճար գաւակին էր փնտրում լալազին, արագօրէն դիակները պտրտելով. ջահէլ կիներ իր սիրած նորապսակ ամուսնուն էր որոնում, խելագարի նման շարժումներ գործելով, փոքրիկ մանուկները «հայրիկ ջան, մայրիկ ջան» ող-

բալով, կանչում էին իրանց ծնող-  
ներին...

— Թրխկ, թրխկ... լսվում էր գե-  
րեզմանատան մէջ գերեզմանափորների  
բրիչների ձայնը: Նրանք անընդհատ  
փորում էին ու փորում, սառն հողի մէջ  
ամփոփելու հարիւրաւոր վաղամիռիկ  
ննջեցեալներին, որոնք այս տանջալից  
ու թունաւոր աշխարհից գնում էին  
հանգստանալու յաւիտենական անվեր-  
դով հանգստութեան գրկում, որին ան-  
կարող է դիպչել երկրային դաժան ա-  
րարածների սուրն ու խարդախ սատա-  
նայակերպի աւերիչ շունչը...

Եւ հին գերեզմանները, կարծես,  
շնչում էին նորաթաղների ականջնե-  
րին անլսելի ձայնով.

— Եկէք, ով եղբայրներ, եկէք, հան-  
գստացէք մեզ մօտ. այստեղ լաւ է,  
խաղաղ ու ապահով. այստեղ յաւիտե-  
նական հանգստի ու համեղբայրութեան

աներեւոյթ թաղաւորը սիրով կը հովա-  
նաւորէ երկրի վրայ ճնշվող ու կեանքը  
բարձ տուող մարդկանց. այստեղ չը  
կան նենգաւոր դաւադիրներ, մարդ-  
կային խտրութիւն, չարաշունչ ազգա-  
տեցութիւն: Եկէք, մենք ամենքս էլ  
այստեղ հաւասար եղբայրներ ենք...

— Թրխկ, թրխկ... աղմկում էր գե-  
տինը, որին ձայնակցում էր թաղման  
մեղեդին...

\* \* \*

Գերեզմանատան մի անկիւնում, որ-  
տեղ թաղվում էին մեծ մասամբ ազ-  
րատ դասակարգի մարդիկ և մշակ օ-  
տարականները, երկու հողի շտապով  
փորում էին գերեզմաններ: Նրանցից  
մէկը միջին տարիների այր էր, միւսը  
ձերութեան շրջանը մտած՝ մօտ 58

տարեկան մարդ: Երկուսի էլ հազուատներից հեշտ էր եզրակացնել, որ նրանք տաճկահայ գաղթականներ էին: Վերջինիս ցնցոտիները, կարկատած շուտերը և վատառողջ կազմուածքը ցոյց էին տալիս նրա դառն ազբատութեան մէջ գտնվելը. նրա սփրթնած ճակատն իր խոշոր կնճիռներով, արևվառ սև պարանոցը, անխնամ կերպով աճած երկար բեղերն ու միջուքը լուսեայն վկայում էին, որ կեանքի հուժկու հոսանքում խեղճ ծերունին բազմաթիւ փոթորիկների է ենթարկվել:

—Մաթոս ամի, քանի տարի է մուսաստանում լինելդ, հարցրեց նրան միւս գերեզմանափորը, մի փոքր հանգրստանալով և մաքրելով ճակատի անշաճ քրտիները:

—Էհ, Մրտօ, ի՞նչ ասեմ. մեծ կոտորածից յետոյ փախայ իմ մինուճար որդուս հետ և եկայ այստեղ. կինս յղի

էր այն ժամանակ. իսկ հիմա ծնված որդիս 9—10 տարեկան կը լինի. արդեօք կարժանանամ տեսնել նրան, կարօտեալ կնոջս, հայրենիքս, խօսեց ծերունին թոյլ վշտաբեկ ձայնով. — և այդ միջոցին երկու խոշոր արցունքներ գլորվեցին նրա մազոտ այտերի վրայով:

—Էհ, ամի, ես էլ ունեմ վաթսնում կին, երկու երեխայ, պառաւ մայր. ես էլ այստեղ կարօտի մէջ խաշվում եմ, վրայ բերեց Մրտօն:

Քաղցր յիշողութիւնները բուռն հոսանքով վերակենդանացան պանդուխտ սրտերում. նրանք լուսեցին և մտքում խօսելով այդ յիշողութիւնների հետ, շարունակեցին փորել:

—Թըխկ, թըխկ, ամեն կողմում փորում էին հողը:

—Թըլըլիայի կոտորածից փախանք, բայց այստեղ, այստեղ աւելի



վատթար կոտորածի ենթարկվեցինը, շարունակեց ծերը: Թիֆլիսից նոր էինը եկել Բ... գործ փնտրելու. Մինաս որդիս մի գործարանում ընդունվեց ութ բուրլի ամսականով, իսկ ինձ չընդունեցին, առարկելով, որ պառաւել եմ, անպէտք եմ: Աղէտի ժամանակ և մինչև այժմ չը կայ իմ անուշիկ բալետ, չը գիտեմ, ո՞ւր է նա. Բիս, Տէրը մի արասցէ նրան փորձանք պատահած լինի:

Նրա ճակատն աւելի կնճռոտվեց. դէմքը մռայլվեց. արցունքները նորէն դուրս ցայտեցին նրա խոր ընկած աչքերից:

—Քանի տարեկան է Մինասը, հարցրեց Մրտոն:

—Ջէհէլ չիւան է նա, 25 տարեկան, առողջ, սիրուն տղայ. այսուհետև նա պէտք է լինի մեր օջախի նեցուկը, ես այլևս չեմ կարող աշխատել. վաղա-

ժամ ծերացել եմ, ոտս գերեզմանումն է: Ա՛խ, ինչ լաւ կը լինէր, որ հէնց այս իմ փորած գերեզմանիս մէջ թաղվէի իմ Մինասի ձեռքով և բոլոր հայ զաղթականների վիշտն ու ցաւը հետս ընդմիշտ տանէի:

—Մատթոս ամի, ամենքս էլ մեռնելու ենք. այդպէս մի ասիլ, Աստուած կը բարկանայ:

—Աստուած, միթէ կայ Աստուած. եթէ կայ, հապա ինչո՞ւ է թոյլ տալիս, որ անղէն, անպաշտպան հային ամեն տեղ հալածեն, տանջեն ու կոտորեն, ինչպէս անմեղ ոչխարի: 2է, Աստուած չը կայ. այս լուսաւոր, ըրիստոնեայ երկրի մէջը կատարված այսչափ սրածուրթիւնը ինձ բոլորովին յուսահատեցրեց Աստուծոյ դէմ, ասաց Մատթոս ամին միքանի խոր հոգւոցներ հանելով, և կրկին շարունակեց փորելը:

—Աստուած ինչ անէ, ամի, քանի

որ մարդիկ այնքան են ամբարտաւանացել, կորցրել խիղճ ու արդարութիւն, որ Աստուած անգոր է նրանց հախից գալ: Բայց հաւատացած եղիք, որ վերջ ի վերջոյ բազմաշարչար ու վաթանագուրկ հայ ժողովրդի տանջանքին վերջ կը գնէ և կը տայ նրան իր կորցրած նուիրական վաթանը, հողն ու ջուրը, կը ծագեցնէ նրա գլխին խաղաղութեան ու երջանկութեան կենսաբեր արևը... ասաց Մըտօն խորհրդաւոր եղանակով:

—Ա՛խ, ո՛ւր է, ո՛ւր է, իհարկէ ես չեմ արժանանալ այդ օրին, թող գոնէ իմ ազիզ Մինասն ու որդիքը տեսնեն այդ երջանիկ օրը, և թող ամեն մի ճնշված մարդու գլխին ծագէ այդ արևը, հրճուանքով գոչեց ամին, ձեռները դէպի երկինք պարզելով:

Նոյն ըոպէին նրանցից մի փոքր հեռու բերեցին ու հողին յանձնեցին

մի երիտասարդ գոհի:

—Խեղճ ջիւան արև, ցաւակցեց Մաթոս ամին, միթէ այդչափ մեծ յանցաւոր էիր հայ լինելովդ, որ ծաղիկ կեանքիդ թելը կտրել տուեցին... Եւրաբ հայրդ գիտէ՞ բո մահը և երբ իմանայ, կարո՞ղ է կենդանի մնալ: Մ. խ, թէ ինձ կը տային արիւնարբու մարդկանց դատաստանը, ես նրանց պատառ-պատառ կանչի և կը զցէի գազանների առաջ, ատամները կրճտացրեց նա և բրիչով այնպիսի մի ուժեղ հարուած իջեցրեց հողին, որ կարծես նրա աչքերին երևեցան այդ մարդհրէշները:

—Համբերութիւն, Մաթոս ամի, կը գայ ժամանակ, երբ սատանայակերպաների տեղը կը բռնեն հրեշտակները...

Դագաղակիր մարդկանցից մէկը նրման թուաց իր Մինասին. բայց երբ նա մօտից անցաւ, ձերունին զգաց իր

խարված լինելը, և նորից իջնելով փոսի մէջ, սկսեց հողը դուրս տալ:

— Գուցէ փախել, ազատվել է քո Մինասը, ամի, հանգիստ եղիր, շատ մի վրդովուիր, աշխատեց մխիթարել Մըրտօն:

— Ի՞նչ, ի՞նչ, փախել է, ոչ, դու նրան չես ճանաչում, նա վախկոտ հայ չէ. նա առիւծի սիրտ ու քաջութիւն ունի: Աղէտի միջոցին նա ձեռները ծալած, նստած չէր լինի... բայց երանի անվնաս լինի մնացած:

Նրանք լռեցին և շարունակեցին գործը: Զգալի կերպով նկատելի էր, որ ծեր գերեզմանափորը հետզհետէ սւժասպառ էր լինում: Նրա թևերի ջիւերը կանգ էին առնում:

— Մաթոս ամի, դուրս արի փոսից, մեռելը բերեցին, ձայն տուեց Մըրտօն:

Ծերունին նրա օգնութեամբ դուրս եկաւ փոսից: Ննջեցեալն արդէն զրած

էր գերեզմանի շրթունքին: Պանդուխտ դադաղակիրները, թւով ինն հոգի, տեսնելով Մաթոս ամուն, խորհրդաւոր հայեացքներ ու շշնջոցներ փոխանակեցին իրար մէջ: Քահանան չափազանց շտապ կարդում էր ծիսակատարութիւնը:

— Ո՛վ է ննջեցեալը, հետաքրքրութեամբ հարցրեց Մաթոս ամին:

Ոչ որ չը պատասխանեց. բոլորն էլ արձանացած մնացին:

Խեղճ մարդը մի վատ զգացմունքով լցված վրայ ընկաւ, բացեց դագաղը:

— Մինասը, իմ բալէն... յանկարծական մի ճիշ արձակեց և ընկնելով դիակի վրայ, մնաց անշնչացած գրութեան մէջ...

Մեռեալը նրա որդին էր...

Փորը ինչ յետոյ՝ նոր փորած գերեզմանի մէջ ամփոփեցին նրա և իր

որդու զիակաները, բարձրացրին մի անշուք հողաթումբ, որը լուռ, սակայն պերճախօս բարբառով զնաց կրկին անգամ բաղխելու անտարրեր յաւիտենականութեան զոները և աշխարհի հազարաւոր տառապեալների հեծեծանքները հասցնելու յաւիտենական մեծ դատաւորի ականջին...

Գերեզմանոցում աղմուկը հետզհետէ մեծանում էր. լսվում էին շարունակ սգացողների հեծկլտանքներն ու վայնասունը, որոնց արձագանք էր տալիս գերեզմանափորների միապաղաղ փորելու ձայնը.

— Թրխկ, թրխկ...



Նոյն հեղինակի յոյս տեսած աշխատանք-  
քութիւնները՝

- 1. ԽՈՐՏԱԿՈՒԱԾ ՍԷՐ (վեպիկ) գինը . . . 30 Կ.
- 2. ԳՐԲԱՅԻ ՍՏՐՈՒԿՆԵՐ (պատկեր) գ. . . 5 »
- 3. ԿԵԱՆՔԻ ԲՕՄԱՆԻՅ (վեպիկ) գ. . . 25 »
- 4. ԷՄՐԼ ԶՕԼԱ (փսքրիկ տետրիւն) . . . 5 »
- 5. ԼՕԽՄԱՆԻ ՀԷՔԻՄԸ (պատկեր) գ. . . 8 »
- 6. ԲԱՅՅԻ (համառոտ տետրիւն) գ. . . 10 »
- 7. ԿԵԱՆՔԻ ԽՈՐՇԵՐԻՅ (պատկերներ) գ. . . 20 »
- 8. ԱՌԱՋԻՆ ՄՈՒՐԱՅԿԱՆՈՒԹԻՒՆԸ (պատ.) 8 »
- 9. ԱՐԲԵՅՈՂԻ ՉԱՏԻԿԸ (պատկեր) գ. . . 3 »
- 10. ՍՕՆԱՅԻ ՆՇԱՆԴՐԷՔԸ (վոզըվի) գ. . . 15 »
- 11. ԹՇՈՒԱՌՆԵՐ (պատկեր) գ. . . . 8 »
- 12. ՄԻԵՆՈՅՆ ԴԱԳԱՂՈՒՄ... (պատկեր) 4 »

Թ ա ը գ ժ ա ն ու թ ի լ ն ն ք ը՝

- 1. ԱՆԻԻՏԱ (Չեխովից) գինը . . . . . 3 Կ.
- 2. ԴԻՄԱԿ (Չեխովից) գ. . . . . 5 »
- 3. ՆԻՆԻԻ ՀԱՄԱՐ գ. . . . . 3 »
- 4. ԱՐԲԵՅՈՂՈՒԹԵԱՆ ԴԷՄ գ. . . . . 15 »
- 5. ՃԱՊՈՆԻԱ գ. . . . . 25 »
- 6. ԿԻՆԸ ԵՒ ՆՐԱ ՏՆՏԵՍԱԿԱՆ ԴՐՈՒ-  
թիւնը (Կլար Յետկինի) գ. . . . . 25 »

Դիմել թիֆլիս հրատարակիչներին, զը-  
րավաճառներին և հեղինակին.  
(Հաւլարբար, Լազարեսկայեա փողոց ա.  
Մուրադովի № 49).

« Ազգային գրադարան



NL0323883

28622